

HEXANDRIA.

MONOGYNIA.

61. ACHRAS. *Brown. jam. 200.*

Arbor alta, frondosissima, perpetuo virens, pulchra.

Folia conferta.

Spatha ad apices ramorum, oblonga (lacinia), integerrima.

Flores axillares ex alis foliorum versus summitatem ramorum, solitarii; pedunculis teretibus, tomentosis, longitudine florum.

Pomum sapore omnes fere Americæ fructus antecellit.

Semina Amygdalorum forma & magnitudine, hilo albo longitudinali.

CAL. *Perianthium* subrotundum, hexaphyllum: *foliis* ovatis, concavis, exterioribus minoribus, latioribus, deciduis.

COR. monopetala, ovata, calycis altitudine, duodecemfida; *laciniis* erectis, alternis: exterioribus sex subovatis, planis; interioribus angustioribus, introrsum convexis, extrorsum subcarinatis.

STAM. *Filamenta* 6, brevissima, subulata, e regione laciniarum exteriorum, ad harum basin corollæ inserta. *Anthera* subulato-acuta.

PIST. *Germen* subrotundum, paulo depressum. *Stylus* filiformis, corolla longior. *Stigma* simplex, obtusum.

PER. *Pomum* globosum, decem- l. duodecimloculare, carne mollissima.

SEM. singulo loculo solitaria, magna, compressa, ovata, nitida, margine longitudinali interiore hilo notata, superius denticulo notata.

1. Semina multa in pomo abortiunt. Quum loculi vix manifesta membrana includantur forte quis *Baccam* diceret, sed quum loculi steriles in fructu distincti observentur, *Pomum* nuncupavi.

2. Adeoque character hic non multum differt a Chrysophylo Gen. Pl. 185, addita illa sexta parte numeri in partibus Floris; quum autem aliam, in proxima sectione monstraverim, Chrysophylo magis affinem & insuper Chrysophyllum verum Spec. Plant.